

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Exercitatio theologica de fragrantia Christi quam ex 2.
epist. ad Corinth. 2, 15.16**

**Buddeus, Johann Franz
Naumann, Tobias Gottfr.**

Ienae, 1712

VD18 11426357-001

§. XII.

[urn:nbn:de:bsz:31-130634](#)

opera ex euangelio vbique sparsus. Totus enim in eo veriatur apostolus, vt concionem euangelii rite defendat, contra omnes maleuolorum obtrectationes, quo suis auditoribus firmiter hanc thesin imprimat, euangelium de Christo, quod ipse praedicabat, non esse recens hominum inuentum, aut futile commentum aliquod, sed verbum vitae, ab ipso Christo, tanquam fonte proficiscens, in quo vnicē salus quaerenda, non vero in lege iram & poenas comminante. Hinc *com. 15.* vltterius progreditur Paulus, & causam subiicit eorum, quae ante dixerat, vt corroboret, quisnam fons & origo sit, quod odor agnitionis Christi manifestatus, nullus certe alias, quam Christi εὐωδία; quod causalis particula ὅτι indicat. Ne vero exceptioni vllum relinquat locum, *euangelium non ab omnibus recipi*, subiicit, quocunque modo euentus cadat, esse, & manere tamen euangelium, εὐωδίαν χεισθ. Maxima cum parrhesia, affectuque laetitiae & spei impletus, ob Corinthiorum emendationem, haec omnia proponit.

§. XII. Haec certius constabunt ex iis, quae sequuntur *com. 17.* vbi apostolus suam

C in

in praeconio euangeli sincerity testatur; quam testificationem, tanquam nouam inducit causam, cur D E O ministerium suum sit acceptum, & salutaris efficacie nunquam expers. Innuit nempe, se non miscuisse in praeconio suo, falsa vel ficta veris, non humana placita diuinis veritatibus, non legem euangeli, sed sine omni mixtura, pure & sincere, euangelium auditoribus suis propinasse, vt Christum glorificaret inter gentes: se non inflexisse veritatem ad affectus Iudeorum, non ad iudicia rationis, lucri gratia. Graecam vocem *ναπηλένειν* adhibet, quod de cauponibus dicitur, qui vinum aqua miscent lucri gratia. Idem argumentum prosequitur seq. cap. III. in quo inter legem & euangelium, item inter euangeli & legis ministerium comparationem instituit, vt eo magis elucescat, apostolorum ministerium esse suauem odorem Deo.

§. XIII. Si scopum conferas cum his omnibus, indubitato videbis, mentem apostoli vt decet nos exposuisse. Tota haec posterior ad Corinthios epistola, apologiam Pauli complectitur, aduersus Pseudapostolos. Hanc com. 12. cap. II. exorditur, & per varia eaque vali-